

Siunnersuut uunga: Siusinaartumik pensionisiat pillugit Inatsisartut inatsisaata allanngortinneqarnissaa pillugu Inatsisartut inatsisaat (Siusinaartumik pensionisianik annikinnerpaamik aamma akunnattunik pisartagaqartup aningaasat tigummiinnagassaasa qaffanneqarneri kiisalu siusinaartumik pensionisiat qaffasinnerpaat pillugit inatsisinut periutsit atorlugit iluarsineri)

(Isumaginninnermut, Suliffeqarnermut Nunamullu Namminermt Naalakkersuisoq)

Akissut

(Isumaginninnermut, Suliffeqarnermut Nunamullu Namminermt Naalakkersuisoq)

Aappassaanneerinnineq

Aallaqqaammut Ilaqutariinnermut Peqqissutsimullu Ataatsimiititaliaq siunnersuummik sukumiisumik suliaqarnerannut isumaliuutissiisummillu tunniussaqaarnerannut Naalakkersuisut sinnerlugit qujassuteqarpunga.

Naalakkersuisut maluginiarpaat Inatsisartuni siunnersuutip siullermeerneqarnerani oqallisigineqarneranut atatillugu kiisalu Ilaqutariinnermut Peqqissutsimullu Ataatsimiititaliap isumaliuutissiisutaani pilersuisooqataanissamut pisussaaffiup atorunnaarsinneqarnissaanik kissaateqartoq, taamaalilluni siusinaartumik pensionisiallit inooqatimi isertitaanut attuumassuteqarunnaarlutik.

Tamatuma saniatigut Ilaqutariinnermut Peqqissutsimullu Ataatsimiititaliap isumaliuutissiisummi allappaat, tamatumunnga atatillugu ataatsimoortumik naliliiffigisariaqartoq, ilanngullugu ikiorsiisarneq pillugu inatsisini allani ataqatigiinnerat pillugu misissuisoqartariaqartoq.

Naalakkersuisut tamanna tunngavigalugu qulaajaatitsinermik aallartitsisoqartariaqartoq tapersorsorpaat aamma Ilaqutariinnermut Peqqissutsimullu Ataatsimiititaliaq aamma Inatsisartut suliap ingerlateqqinnissaanut ilanngunneqarnissaat qilanaaralugu.

Taamatut naatsumik oqaaseqarlunga Naalakkersuisut inassutigaat siunnersuut akuersissutigineqarnissaa siunertaralugu pingajussaaneerseqassasoq.